

中國方志叢書·華中地方·第四八八號

據
明·田汝成撰，范鳴謙補刊
明萬曆十二年刊本

影印

浙江省

西湖遊覽志餘



成文出版社有限公司印行



10101941

中國方志叢書・華中地方・第四八八號


據

明・田汝成撰，范鳴謙補刊
明萬曆十二年刊本

影印

浙江省

西湖遊覽志餘



成文出版社有限公司印行



10101940

中國方志叢書·華中地方·第四八八號


據

明·田汝成撰，范鳴謙補刊
明萬曆十二年刊本

影印

浙江省

西湖遊覽志餘



成文出版社有限公司印行



10101939

中華民國七十二年三月臺一版

西湖遊覽志餘

共三冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

西湖遊覽志序

余自結髮慕說西湖之勝神翩
翩逞也嗣得武林田叔禾所為
西湖志閱之其品藻湖山嘉樂
賢達揚扈藝文彰鉅麗而右風
流諸懿美無論乃若娓娓乎偏

安佚豫之規頊頊乎佞倖盤荒
之戒令人俛首歔歔有神州陸
沉之感至其委巷叢談具載不
遺一國之俗釐然在睫則又令
人慷慨起舞病其風之靡而思
所以維之也久之買棹一至湖

上輒按志而索其處依依不能
去迨備員閩中徃來經行湖上
獲寓目者屢矣踟躕四顧益歎
田君之所志甚核第靡由認其
民風為何若耳去年夏余奉
命巡視兩浙疾驅而入武林當兵

民遞變之後湖山黯淡海內結
韜之士相戒引避不肯入而余
適承乏余始從司馬張公謀繼
從中丞蕭公謀問民所疾苦滌
除之而力懲其靡使勿渝焉朝
夕拮据不敢愛其勞即咫尺湖

山未遑一託足而遊今年秋余
既徧歷諸郡弭節武林歲且大
登氓嬉士逸各獲其所忘前事
之慘載觀闐闐之間風亦颭颭
視昔漸醇鮮復靡者蕭公方被
詔留都少司空間携余從湖上

酌酒水光山色倍覺親人余為
公加爵相視破顏謂庶幾復見
昇平嗟乎此一湖山也曩為畏
途今為樂土李文叔謂名園之
興廢係洛陽之盛衰竊疑其言
大而無當今殆然矣余因憶田

君所為西湖志下文學掌故求
之業已漫漶不可讀矣湖山在
目而文獻靡徵可乎於是捐贖
鍰檄郡丞喻均校其漫漶而屬
諸剞劂俾後之觀風者采而斟
酌焉則武林之風勿慮其終靡

也已

萬曆十二禩歲次甲申季秋望
日巡按浙江監察御史江陰范
鳴謙撰

西湖遊覽志餘第一卷

錢塘田 汝成 輯撰

帝王都會

杭州之名相傳神禹治水會諸侯于會稽至此舍杭
登陸因名禹杭至少康封庶子無餘于越以主禹
祀又名餘杭秦置餘杭縣隋置杭州竊謂當神禹
治水時吳越之區皆懷山襄陵之勢縱有平陸非
浮橋緣延不可徑渡不得于此顧云舍杭登陸也
說文杭者方舟也方舟者並舟也禮大夫方舟士
特舟所謂方舟殆今浮橋是也蓋神禹至此溪壑

縈迴造杭以渡越人思之且傳其制遂名禹杭耳
錢塘之名劉道真云唐元和中功曹華信議立此唐
以防海水義有能登三
耐者與千錢來者雲集
俄云不復用矣民皆棄去而唐成故名錢唐世說
又云晉時沈姓者令錢唐詭民致土築唐而錢實
不給至唐時避國號加上十唐改稱錢塘然秦時
置會稽郡錢唐縣而史記亦云秦始皇下丹陽至
錢唐臨浙江上會稽則錢唐非始于晉唐時明矣
考之釋文唐途也錢古錫姓立秦漢間有姓錢者
居此或築堤捍水而遂係之以唐歟

杭地屬吳屬越諸家爲說不同以爲屬吳者淳祐志
引吳越春秋所載越王句踐入臣于吳群臣送至
淞江臨水祖道又吳王夫差爲越所敗而走止
秦餘杭山又史記吳王夫差伐越取故吳地至淞
江遂謂吳越以淞江爲分界以爲屬越者杜佑
通典歐陽忞輿地廣記皆云春秋時屬越越敗屬
吳東陽王象之云本其說謂越唐舊爲越自夫差敗
越地始入大越皆知爲越地而未知分界所在惟
太平寰宇記載越地云越國西北界至禦兒即
今嘉興府之海鹽縣有禦兒鄉有水名語水語

與禦通則是矣。是以公孫氏分界二說各有所據。今考之。而以公孫氏為定。公十四年五月。於越貶吳于會稽。此其時。吳縣南橋李城。又史記世家。闔閭。九年。越公。擊之。橋李賈達註云。橋李。越地。據此。則橋李。南為越境。杭在其中矣。此杭為越地。一也。吳夫差賜之書。增其封。東至海。南至。姑末。北至平原。越絕書作。封之。未盡其。八百餘里。且謂越不與。國則是所封之地。皆越地。記云。

語兄鄉故越界木名就李即構李吳疆越地以爲
戰地至柴辟亭吳地記云柴辟亭到語兄就李吳
侵以爲戰地則吳越疆界尤極分明此杭爲越地
二也若淳祐志所引皆有可辨者其一爲越群臣
祖句踐于淞江遂謂吳越以淞江爲界殊不知是
時句踐方保栖會稽之山浙江以西皆爲吳有宜
其祖道止于江濱也其謂夫差走餘杭山則謂
餘杭在吳境內殊不知夫自有秦餘杭山姑蘇志
云陽山又名秦餘杭山在長洲西北三十里夫差
栖于此死因葬焉至今號夫差墓入越絕書吳地